



O Volapükaf lens Valöpo!

Finü yel at, vilob danön ladöfiküno flenis et, kels eyufoms obi dub laut lartügas nitedik, äsi alikani, kel elebonedon gasedlli obsik dü yel. Spelob vemo, das etuvols oni nitediki, e das ovilons dönuön lebonedi onas.

Nutimo Kritid binon vamikum, ka bü yels luldeg, ab ekö konotil keinik, kel magon Kritidazälis büik:

„Vilagans bäldik sagon, das adelo no nifos tü Kritid. Ab atna vö onifos!

Del bü Kritidasoar binon glumidik, ab dü neit jenos votafomam magivik; nif dofalon e tegon felis äs folgulem neleigik.

Tü göd Kritidasoara goloy plödio ad bumön nifamani, täno, pos fidäd, ramenoy peinabimi e liäguuigis. Su lomioveg, primos ad nifön dönu. Poso kanitoy kritidazälalidis plödü glüg, poso zü vilag lölik.

Mens maifükons domayanis okas e lofons bastetilis svidik vönaoloveik e drinedis hitik.

Lätiküno bed vamik benogetedon alani, ab no büä lägoy stogi len bed e lülogedoy nifi balna dönu..

Kritidazäl sinifon lükömi flenas, balans pos votikans, filöpl lelitik e fidedi hitik; binos Kritidazäl nifik memidovik, sodas fütüro kanoy i konön ciles atos, lelgoäs bäldikans timü at memons yelis epasetiköl.”

Lo magod jönik at, vilom sedön Glidis Gudikün flenes Volapüka Valöpo

Ralph

HIT NO TÖBON OBI !

„Kiöpio olifädol-li vakenis ola atyelo?“ äsäkob fleni oba.
„Ovakenob in el Sorrento!“ ägespikom lanäliko.
„Ab no sevol-li, das vamot us binon grads züldeg in jad?“ äfövob.
„Ab no nedob seidön obi in jad!“ äsagom smililölo.

MAN KLINIK

Man yunik ävisitom maketi smalik, e kleiliko no ädesinom ad remön canis. Lädül po bal dünetatabas äsagof ome: „Vilol-li remön penetabukili at?“

„No!“ Neai penob penetis,” ägespikom.
„Kikodo täno no remol-li päkili zigarülas?“ äfövof.
„Ab no smökob !“ ägespikom.
„Ag !“ äseifof. „Nitedälol-li dö büg at jokoladas?“ äsäkof omi.
„No! Neai fidob jokoladis!“ ägespikom.
„Ekö diled soba, no vilol-li remön oni?“ äsäkof lädül.
Nenzogo man yunik äsumom sobi ed äpelom oni.

KIN FIDON-LI MÖDIKUMO?

Läd pinädik ävisitof nimagadi, ed älülogedof leonis, kelis äfidoy.
Äsüpädof, das no ägetons nulüdoti mödikum.
„Binon dil smalik mita pro leon!“ ävokädof.
„Binon dil smalik pro ol, o läd!“ ägespikom nimigalädan, „ab saidon pro leon!“

CÜT MILITIK

Ün del seimik soldat älülogedom smitani, kel äkipom safaferi in fil.
„Moö se smitöp oba!“ ävokädom smitan, ed änilükom safaferi glutöl nude soldata.
Ab soldat ägespikom: „If givolöv obe könädi largentik, ob oläkob oni!“
Smitan ätuvom könädi largentik in pok oka, ägivom oni ome, ed

PŬKS IN TOGOVĀN

(Fa hiel Robert Pontnau)

Ven dalogoy vōdabuki, logoy suvikūno, das pŭk Togovānanas binon Fransānapŭk. Ab jenōfo binos mōdo komplitikum.

Reiganeſ e nivers gebons fŭmiko Fransānapŭki. Binon pŭk cifik in juls. In sŭts logoy ti ai reklamis Fransānapŭko, plāamŭ sulūd lāna, kō kanoy logōn reklamis anik id in el Evepŭk. Ab tāvōlo vegŭ Togovān konstatoy vifiko, das lif aldelik jenon me Frikopapŭks.

Fransānapŭk binon pŭk calōfik lāna, e Togovān dalabon pŭkis netik tel: pŭki bal netik in sulūd, sevabo: el Evepŭk, e pŭki bal netik in nolūd, sevabo: el Kabyepŭk.

Pŭks bofik at ninādons te padi lafik in delagased balik lāna.

Jenōfo liloy dialegis mōdik. Pŭks bofik binons pŭks vōgādik. Frikopamens buŭkons ad gebōn Frikopapŭkis.

El Evepŭk paspikon noe in Togovān, abi in Ganayān ed in Beninān. Dalabon literati lekanik. Leduton lŭ el Kwa-pŭkagrup.

El Kabyepŭk no paspikon somōdo, ab binon too suemovik tefŭ pŭks votik se pŭkagrup ot, sevabo: el „Ten”-pŭk, el „Loso”-pŭk e pŭks anik. Leduton lŭ el Gur-pŭkagrup. Pŭkagrup at labon subsatakladis māl, kelis memosevoy medŭ finot vōda. Noam vārbik jenon me lunŭkam silaba balid vārba.

Juls no tidons mōdo me pŭks netik, bi mon ad atos defon. Dabinons dabŭkots anik, pato in el Evepŭk, e pato in Ganayān. Ab buks relik mōdŭkumons in Frikopapŭks valik. Lesedābs ledino jāfikons me pŭks at.

Too binon blesir gretik ad lārnon pŭkis at, e ad lilōn fredī lomānaspikanas ven foginan gebon pŭki onas.

Nitedālons-li Vietikans tefŭ Frikopamens, te dat fanonsōs lanis onsik?

FALOK FIEDIK

Falok pleidik, honed deidik
Äseadon su jot zara reigik.
Ekö liev vifon da feled nen fon
E falok mofliten mö vif leigik.

Lievi deidon, fliti geidon
Falok jafäbi zare ya loföli,
Ab soafom nu zar, monitom za tumlar
Ad tuvön vati, klifao toföli.

E bovüli vata, jafoti nata
Löädom lü lips, vati pevälön.
Ab falok su jot, disino nen dot
Vati se bovül sui glun efälön!

E naeds nog kils, vils ta vils,
Falok esturon vati ledesirik.
Zar perom sufädi, äsi cädi,
Sumom faloki e ko näm fe virik
Deiflapom oni ta klif miserik!

Tän soldats zara, ekömöls mö milats
Ävokoms ome: „No drinolös vati!”
Neffen ko venen, bitölo nen fen
Vilom ole deada lebati!

E vöds zara gliföl; deada fe köl:
„O falok fiedik! Esavol obi
Kilna de lekäf, e jenöfo as bläf
Nen kesenäl edeidob oli!



VÖDS SAPIK

Flen gudik pardom flenis okik

XII.93:2005
GRAMATAGUL

Labob dotis tefü geb elas „tü” ed „ün” Küpedob gebi präpodas bofik at, kels jinons sinifön otosi. Vilob sevön, va dabinon nom tefü geb onas. Kofudob vemo in tef at!

In Vödabuk yela 1929 fa hiel Arie de Jong, präpods „tü” ed „ün” pagebons anikna kobo ad sinifön otosi. Samo:

tü/ün del balid; tü/ün kritid; tü/ün göd; tü/ün soar; tü/ün sudel

Nom gudik in tef at no dabinon. Ab buükob nomi fiedabik ven gebob Volapüki. Sekü atos, nom tefü geb präpodas „tü” ed „ün” binon nom sököl:-

1. Ven tefos timi fümik, geboy präpodi „tü”
2. Ven tefos timi nefümik, geboy präpodi „ün”

Seko penoy:

tü del balid; tü kritid; tü göd; tü soar; tü sudel

bi tims at binons fümiks.

Tefü präpod „ün” - ven tim binon nefümik, samo:

ün del seimik; ün vönäd; ün pasetüp; ün yels büikum

kö tim fümik no dabinon, seko geboy präpodi „ün.”

Penetolös, begö! i gebi vöda „tüi,” kel sinifon „za” tefü düps e bäldot, samo: tüi düp kilid (= no sevoy, va binos düp kilid u minuts deg bü düp kilid, u minuts deg pos düp kilid). I „bäldotom tüi yels luldeg” (= ba labomöv yelis foldeg u yelis mäldeg – no fümoy!)

E sümo, vöd „ünü” sinifon „dulü.” Samo: Ologob oli ünü vig bal (= Ologob oli u mudel, u tudel, u vedel, e r).

LIF FLADA

(Fövot konota fa hiel Hans Christian Anderson)

Del gretik äkömon fino. Vinitedan äsumom fladi ed äselom oni hipule smalik, kel äseitom moni sui dünetatab. Kitazöt pägivon ome e pul äpolom fladi kälöfiküno lomio.

Pul at älabom fädiko söri bäldikum labü logs braunik; äsmililof ai, ab älüsmililof pato lü melan yunik, kel ästudom in kadäm marenik. Tü vig epasetöl, ven ivedom stiran telid, isäkom jipuli smalik ad matikön ko om, e tü del, ven ikömon flad se kav, äzelons matirajani okas.

Äjenon pignig. Jipul smalik iseitof valikosi in bäset gretik: häm, fromad, sosits, bör gudikün äsi bod flifik e biskuts. I flad äseaton in bäset, e klüliko ädabinons i boveds e värets, e neifs e foks, igo särväts, bi jipul smalik ävilof meköm magädi gudik.

No fagik de top, kö älödons, äbinon fot; äbeivabons bei fot at in vab maifik: mot, fat, yunans tel e pär flenas yunik. Ävälons topi maifik jönik ed äseidom okis su yeb us.

Fat äsumom fladi, äbreikom snili, ätirom koegabuoni se flad me koegitiret, ed äfulükom väreteis. Ekö timül gretik lifü flad: alikan älöükon väreti oka, du fat äbenovipom päri yunik pötü matirajan.

Logods fredik kion! Äbinos gudik ad logön vini in värets, kels änidons in lit sola stralöl da fot.

„Gudö! Vob ola pefidunon,” äsagom melan flade vagik, ed äjedom oni love jot.

Lügiküno flad äfliton da lut ed äfalon, stunidot stunidotas, ini bluk mu smalik, kel äflumon da fot. Flad äfloton fasiliko su vefils sofik - äfloton ed ästebedon.

Nilo äseadoms hipuls smalik tel su jol bluka nabik. Päpäsakaroms. Sosus ilogoms fladi, ätiroms oni se vat ed äpoloms oni lomio.

Motül äneodof fladi nulik, bi blod bældikün ämogolom melio ed ämutom kesumön fladi medina : konyak sa pits kodü stomagadols. Äjenädos fädo, das melan yunik at äbinom su naf ot as stiran telid obsik.

Naf ämosailon tü zädel sököl. No mutoy glömön, das atos äjenädos bü yels mödik. Naf vo äbinon naf gretik ed o! vio jönik älogoton sailölo vifo da vat!

Alan älediton de röletans e flens; äbinons smils e drens, e naf änepubon pianiko love horit.

Täv äprimon plöpo. Vien äbinon gönik, e pos muls anik naf äbinon milats liölas de lomän. E flad-li? Nu, no äkanon logön mödikosi, bi ästanon in top dagik. Konyak (sa pits) äbinon gutagik e päfidrinon, stomagadol u no, e bi flad ai fruton, nek ämojedon oni.

Ab ün del jeikik seimik, tep ärupädon süpo; vero äbinon letep. Sails pädasleitons, maats ätrovons, stiragub ädebreikon, e savabots pätroivons ini dilils. Levefs äjedons okis love däks e lodaspad nafa äbinon fulü vat. Fin änilikon.

Mu neläbiko stiran telid obsik älogom fädo fladi, äpenom su dil papüra „adyö!” rajanimatane oka, äjoikom oni ini flad ed ämojedom fladili loveboidio. Pos minuts anik naf it ästuron ed äsaddon.

Flad äfloton su vat, su vefs nidöl. Ge e mo äfloton ko vien, ko bän e flud taida. Flad äspelon leziliko, das ek ötuvon

oki. Ästebedon ai . . .

Ed ün del seimik mel äjedon oni sui jol foginik. Jol äbinon jönik, sofik, e flad no päbreikon. Suno älükömom man: ätuvom fladi, älogom dili papüra, ed ägegolom lomio ko on. Ämaifükom fladi, ab liedo no äsevom püki peneda. Äjonom penedi mödikanes, ab neplöpo.

Poso flad älifädon lifi lügik. Dü yels mödik ästanon su cimamulür in бүр tuvana: täno dil papüra pämojedon. Dü yels mödik äblibon in ramar ko cans nejerik votik, fino in kav. Ed atos idulos dü yels teldeg - yels lunik teldeg.

Täno, süpo, mödikos äjenos tefü flad. Fino äkömon lü бүр grenitedana. Atan äfulükom fladi me gren ed äsedom oni, äs most nen völad, läne votik, e sosus ilükömon lü län et, äsevon, das äbinon län lönik, ed älielon spikön püki oka.

Mödikos äjenos us, e yels äpasetikons. Ab flad obsik äbinon nämik. Ün del seimik äjenos zäl dissilik us, ed äblinoy oni se disnufaspad, kö ibinon jünü, äveadoy kandelini flad, ed äpladoy oni flanü flads votik in kedet lunik. Ädabinons us mens mödik, id äkömof jipul smalik pigniga, kö on ibinon vinaflad. Ab no nog äbinof matan, ed älifof ko tiks oka in pasetüp.

Täno äkömom gadan: äklinükom fladi, ed äbinon soäs ün dels бүик, ven äfulon me vin, ab anu zälinoganükan ägivom oni bälunivaibane. Äfliton ini lut, i bälunivaiban, i ketävans ädrinons väreti fulik, e ko yö! lanälik äjedons fladi se bälunabäset.

Äfalon sui nuf domila in harat pöfik. Dilils gläta ärolons ve süt. Ab särvigil flada ädebreikon in dil bal, e läd

bäldik, kel älödof us, älasumof oni, äpolof oni, donadil löpo, ko koegabuon in bödacek as driniär pro kanair oka.

Neai äsevof, das äbinon särvigil flada *et!*



TÜ KRITID . . .

Göliko tü göd dela degkilid dekula, jiel „Lucia” kömof: jipul, labü herem lunik, blonik, kel padekon me linumastof, kobü järp* redik e ko kandel su kap. Po of kömons stimavomül e hipuls: jipuls me linumastof vietik peklotöl e nidüladek in herem, äsi hipuls me jits vietik peklotöl, labü häts lunik tipik e stels goldik su kap.

Kanitons eli „Lucia·kanit” benosevädik. Ini loms kömof el „Lucia,” galükof fatülü, kel ceditom ad slipön! Tü soar, el „Lucia” lofof glutavini lepitik (= Svedänapüko : glögg).

Ma kaled vönik, neit dela degkilid dekula binon neit lunikum yela. Id äbinon zäladel jisaludana Litaliyänik nemü : „Lucia.” In Litaliyän töbo zälizeloy jisaludani at ed el „Lucia” Svedänik labof nemömikosi kobädik ko jisaludan Litaliyänik.

Nem : „Lucia” dekömon de vöd latinik „lux,” kel sinifon liti, ed in Svedän zälizeloy eli „Lucia” as jireg lita, sümbol spela, das lit ogekömon lü län pos dag lunik nifüpa.

Do izälizeloy eli „Lucia” in tops semik in Vesüda·Svedän jü yels balmil veltum, te ünü yels balmil zültum ezälizeloy eli „Lucia” valemö da Svedän.

Anu dunoy atosi tio in loms, juls e klubs valöpo, in malädanöps ed in takädaloms pro bäldikans, e zif alik labon eli „Lucia” lönik.

(järp = sash, large ceinture à noeud; Schärpe; fajín; cintura)

SON DIGIK SVEDÄNA

Svedän labon datuvanis e nolavanis, kels esevädükons läni at da vol lölik.

Datuvots hiela Alfred Nobel, kela veütikün äbinon dinamit, äliegükon omi levemo.

El Nobel pämotom in zif Stockholm de pals Svedänik. Pö bäldot lifayelas zül, äfeatävom ko famül oka lü zif St. Petersburg, kel äbinon cifazif Rusäna tū tim et.

Poso älödom in läns anik, ab ai älecedom oki as sifan vola. Neai äklemom netäti Svedänik, ed ätästumom in zif Paris tū yel 1895 medü Svedänapük.

Dil gretikün liega ätästumom ad Fünod; fieni de lemesed Fünoda at ävilom dilodön ini dils leigik lul ad premön utane, kel ibenodistükon oki mödiküno tefü literat, füsüdav, kiemav, sanav e konömv.

El Nobel id äbinom fūnan pūdiprema. Atos jinos ba bisarik, bi dinamit pegebon mödo in komips, ab el Nobel ävilom pūdi su tal.

Gönäd pūdiprema jenon in Norgän, ab gönäd premas votik jenon in zif Stockholm tū del degid dekula yela alik komü pär regik.



DÖ FIDÄDS DIFIK

Hipul, kel fidom te podis,
Sagom: „Dabinons ga trodis!”
Bi fōvom ga biti,
No labom pōtiti,
E hipul no sufom ga dodis!

Flen oba no plidom gaduti;
E matan no plidof ga guti
Pōtetilas loetik.
Ekö sākāda fe kik!
Fifidons pōtetis, gaduti!

äkipom safaferi niü mud soldata.
Sumölo könädi, soldat äläkom oni, ed ämorönom vifiko.

E FINO, COG DE HIEL JOHN REDGWELL:

Ven logob vödemi Volapükik, senob alna desiri ad remön poszibi :
„Müller!“



BÖDS - FLENS VOIK
(Fa hiel John Redgwell)

Sagoy, das flen gudikün mana binon dog. No baicedob. Cedü ob, flens gudikün menas binons böds. Geboy notodoti „Bödabreinan“ ad sinifön diotani. Jenöfo böds vo no binons diotafs! Kanon-li-la diotaf, samo, flitön de Frikop lü Linglän nen kompad?

Böds memosevons menis, kels givons ones nulüdoti. Ven jüpo in gad flortüpo redablöts kömons ad sukön tailavumis e näsäkis. Nifüpo böds valasotik kömons ini gads menas, kels lägons nötis in bims oksik u jedons bodabrekülis sui yeb. Binos ai blesir gretik ad lülogön onis, sevölo, das eyufoy onis.

Ven älödob in dom labü gad, merul äpupon ti alna ven ästepob ini gad. Äjinon sagön: „Ojüpol-li pro ob, ud ogivol-li obe bodabrekülis? Pos dead fata obik, ämutob fealotädön ini lödatead. Äsenob vemo defi merula - flenül obik.

Kodü atos ädagetob vefapapagili nemü „Beauty“ (jönikül). Vefapapagili at äbinom flen vemo gudik dü yels jöl, ed äbinob vemo glumälik ven ädeadom. Ven jiflen oba – jimatan anuik oba - äkömof balidna lü lödatead obik, „Beauty“ sunädo ävedom i flenül ofa. „Beauty“ ädeadom ünü yel 1987. Sis tim et ai elabobs vefapapagilis.

Ünū yels 1990-id älabobs vefapapagilis kil, kelas nems äbinons : „Plum-Pudding,” „Apple-Pie” e „Bluey.” („Plum-Pudding” binon poszib, kel ninädon flukis pesigüköl; „Apple-Pie” binon „Podabastet” e „Bluey” binon „Blövikül”). Hiel „Plum-Pudding” (u brefiko : „Plummy”) älifom dü yels deg kil!

Bo esmililol demū nems omas. Klu, ekö nems vefapapagilas anuik obas: „Cheesecake,” („Fromadakek kokotik) e „Teacake,” („Bodakek”), kel labom stenis su cüg oka, kels logodons äs bäls pesigüköl in bodakek!

Ven klinükob ceki vefapapagilas, jedob sidajalis ini yad, bi binons sids vū ons. Pijuns e spärs kömons ini yad ad fidön onis. Dü muls nifüpik, mevs seadons su nufs domas visoik. Jedob bodabrekülis sui yeb fo lödatead obsik pro ons. Mevs at memosevons obl, e sevons, das nulüdob onis. Ven segoiob se lödatead, züflitons sus kap obik luvokädölo äsif ad sagön: „Labol-li nulüdoti pro obs!” Gespikob ones, sagölo: „Onulüdob olls ven ogekömob de zif.” Ye egekömölo de zif, büä nulüdob mevis, glidob vefapapagilis obsik. Gesag omas binädon me yäl fredik kobū tov flitāmas omsik. Böds vo binons flens gudik!

O reidans löfik, ven ologos redablötis su kritidakads, no glömölsös ad nulüdön bödis, bi binons flens obsik!



VILOB SPODÖN – VOLAPÜKO!

Flen nulik Volapüka, kel elautom lartügi pro gasedil obas – vilom spodön Volapüko ad lärnön plu dub geb mödikum püka. Ladet oma binon:

Robert Pontnau,
6 rue du Ségala,
F-31180 – CASTELMAUROY,
Fransän.

I dalabom ladeti bevüresodik, sevabo: naupontn@aol.com